

ANONYMOUS by JO MACASA

BATCH 25

AUGUST 15, 2020

Si HELEN ay 26 years old, maganda, mabait at simple lang ang pangarap sa buhay. Nakatira siya sa isang tenement sa Taguig kasama ang kanyang asawang si ANTHONY, 30 years old. Dalawang taon na silang kasal. Walang anak. Service crew si HELEN sa isang burger joint. Si ANTHONY naman ay gasoline boy sa gasolinahan kung saan nakapwesto ang burger joint. Sa pagbubukas ng kwento, dahdan-dahang inaalarayan ni HELEN ang asawa sa pagpasok sa kanilang tenement. Galing sila sa ilang araw sa hospital dahil na-stroke si ANTHONY habang nasa trabaho.

Kausap ni HELEN ang kapitbahay na si MARISSA, 22 years old. Ibibilin si ANTHONY pansamantala dahil may aayusin siya sa trabaho niya sa burger joint. "Basta sandali ka lang ha? Log in na 'ko maya-maya eh." Si MARISSA ay involved sa online prostitution kung saan nakikipag-cybersex siya for a fee. Kakausapin ni HELEN ang manager ng burger joint na si TAD, 30 years old. Gustuhin man niya, hindi na siya matulungan ni TAD na makabalik dahil nagalit ang may-ari na si MR. PE na iniwan ni HELEN ang pwesto at nung isinugod si ANTHONY sa hospital. Aabutan si HELEN ng sobrang may kaunting halagang nalikom galing sa ambag ng mga dating katrabaho ni Anthony. Malinaw na wala na ring mababalikan ang asawa dahil may pumalit na sa posisyon niya. May darating na kotse. Pulasan mga tauhan. Sasalubungin ni TAD si MR. PE, 65 years old, at ang anak nitong si NELLY, 30 years old. Sila ang may-ari ng gasolinahan at burger joint. Lalapit sana si HELEN pero haharangin siya ni TAD. "Huwag na, mapapahiya ka lang." Mapilit si HELEN. "Negosyo ito. Pag may lugi, walang awa-awa. Hindi nababayaran ng awa ang nawalang puhunan." Tatalikod na si MR PE at papasok sa opisina.

Pilit na pinagkakasya ni HELEN ang konting ipon. Ang kaibigan niyang si MARISSA ang hingahan niya ng saloobin. Isa-suggest ni MARISSA na subukan niya ang cybersex business. "Easy money! Hindi ka naman mabubuntis kasi bidyo lang yun no?" Aayaw si HELEN. Hindi niya kaya. Kahit na patong patong na ang mga bills nila. Paubos na ang ipon. Pati gamot wala nang pambili. Uutang siya kay MARISSA ng pambayad sa upa. Dito ay tuluyan na siyang makukumbinsi ni MARISSA, "Bayad bago hubad ha?"

Hihintayin ni HELEN tuwing gabi na makatulog si ANTHONY. Gamit ang kanyang cellphone, magsisimula siyang maghanap ng customer sa pangalang "Sexy H". Iba't iba ang customers niya. May foreigners, may Pinoy din. Tuwang tuwa si MARISSA para sa kaibigan. Pinapanatag ang loob ni HELEN at binibigyan ng tips paano gumaling sa gawaing cybersex.

Isang gabi, kausap ni HELEN si MR. DRAGON, isang mayamang customer. Madilim lagi ang video nito. Hindi makita ang mukha. Gusto lang daw ng kausap. Ilang gabi rin silang nag-uusap lang. Sa laki ng ibinabayad sa kanya ni MR. DRAGON, hindi na tumatanggap ng ibang customers si HELEN. Makakaramdan ng ginhawa si HELEN ngayong may sapat na siyang pang-gastos kahit papano. Ikukuha niya si ANTHONY ng physical therapist. Tuloy pa rin ang pag-gawa ni HELEN ng burgers para pagtakpan sa asawa ang tunay niyang pinagkakakitaan.

Madalas bumisita si TAD kay HELEN. Mahahalata na may gusto si TAD sa kanya. Madalas may dala itong pagkain o tumutulong na gumawa ng burger. Minsan naiwan ni HELEN ang cellphone sa dining table nang dumating ang PT. Makikita ni TAD sa telepono ang mga remittances na natatanggap ni HELEN. 5K, 3K, 8K. Pinakamalaki na ang 10K. Magtataka ito.

Minsan, magsasalubong si HELEN at MARISSA sa corridor. Lalampasan lang siya ni MARISSA. Maghahatid ng burgers si HELEN sa unit ni MARISSA. Itatanong kung ano'ng problema. "Sulutera ka eh!" Pagsasarhan siya ni MARISSA ng pinto. Pagpasok ni HELEN sa unit niya, makikitang nakamasid sa kanya si TAD sa

malayo. Si ANTHONY ay unti unti nang nakakapagsalita. Magtatanong kung saan nakakakuha ng pera si HELEN. Magsisinungaling si HELEN na sold out lagi ang burgers niya.

Isang gabi, sasabihin ni MR. DRAGON na gusto niyang makipagkita kay HELEN. Dinner lang. Magdadalawang-isip si HELEN. Habang kinukumbinsi siya ni MR DRAGON, aalingawngaw ang isang malakas na putok. Makikita ang anino ni MR. DRAGON na bumagsak. Patay ito. Maaaninag ni HELEN ang killer. May suot itong relo na may orange and white stripes sa strap. End ni HELEN ang call. Magri-ring ulit ito. Ire-reject niya at iba-block ang account. Kinabukasan, mababasa ni HELEN sa phone niya ang news tungkol sa pagkamatay ng isang Congressman. Meron ding news tungkol sa pagbaril sa isang Drug Lord. Isa-isahin niya ang mga balita kung sino ang mga namatay kagabi. Marami-rami din ang listahan. “Alin kaya dito si MR. DRAGON?” Pupunta si HELEN sa unit ni MARISSA para magkwento. Cold pa rin si MARISSA sa kanya. “Tinulungan na nga kita para kumita, inagaw mo pa customers ko!” Magkakasagutan sila. Gabi. Nagliligpit si HELEN sa kusina. May maririnig siyang kaluskos sa pinto. Pagtingin niya, may isang brown envelope na nakausli sa ilalim ng pinto. Bubuksan niya ito. Mga hubad na pictures ni HELEN nung mga unang araw niya sa cybersex. Bubuksan ang pinto. Walang tao. Pupunitin niya ang mga pictures.

NEXT DAY. Darating si TAD. Ibabalita kay HELEN na natagpuan ang bangkay ni MR. PE sa isang liblib na talahiban. May tama ng bala. Kukutuban si HELEN. “Pwede ka nang bumalik sa trabaho. Pati si Anthony. Kakausapin ko si Ma’am Nelly.” Mayayakap siya ni HELEN sa tuwa. Hahalikan ni TAD si HELEN. Itutulak siya ni HELEN. Aalis si TAD. Later. Pinapanood ni HELEN at ANTHONY sa news ang nangyari kay MR. PE. Sasabihin ni ANTHONY na buti nga sa kanya. Masama ugali kaya maraming kaaway. Mag ri-ring ang phone ni HELEN. Si TAD. Pinapatawag siya ni Nelly para pag usapan ang pagbalik sa trabaho. Pagbaba ng phone, may papasok na message. Unknown number. Hubad na photo ni HELEN. Delete. Tutunog ang phone ni ANTHONY. Panic si HELEN. Kukunin ni ANTHONY ang phone. Bubuksan na ang message nang biglang mamamatay ang phone. Low bat. Kukunin ni HELEN nag telepono. Charge daw niya. Dadalhin sa labas ang phone at pag-on, makikita niya ang parehong photo na natanggap niya. Buburahin niya ito.

Next day nasa gasoline station si HELEN, kausap si NELLY at TAD. Sasabihin ni NELLY na aayusin niya ang palakad sa negosyo. Pati taxes, lilinisin niya. Kaya mula ngayon, may mga contract na lahat ng trabahador. Legal na lahat, with benefits. Ayaw niya ang panglalamang na ginawa ng tatay niya sa mga tauhan. Anytime, pwede ng bumalik sa trabaho si HELEN. Pati si ANTHONY. Magpapasalamat si HELEN kay TAD sa ginawang tulong. Magso-sorry si TAD. Aaminin ang totoong nararamdaman kay HELEN. “Maswerte si Anthony sa iyo”. Sa bahay, sasabihin ni ANTHONY na okay lang na bumalik sa trabaho si HELEN. Kaya na niyang mag-isa. Sasabihin ni HELEN na sa 8AM-8PM siya nagpa-assign. Para sabay sila lagi mag dinner ni ANTHONY. Gabi. Tulog na si HELEN. Makakarinig siya ng ingay sa labas ng unit. Mga nagsisigawan. Magigising din si ANTHONY. Lalabas is HELEN. Makikita niya na nagkakagulo ang mga kapitbahay sa unit ni MARISSA. Papasok si HELEN. Makikita niya na umiiyak si MARISSA. Nakaupo sa dugo sa sahig. Mukha itong nakunan.

Bibisita si HELEN kay MARISSA sa ospital. Magkakabati ang dalawa. Sasabihin ni MARISSA na nabuntis siya ng isang dating customer. Nalaman daw ni MARISSA na si HELEN na pala ang kausap. “Sino?” “Si Mr. Dragon.” 3 months ago nagkita daw sila sa isang hotel. Sasabihin ni MARISSA kung anong araw. Patay ang ilaw, madilim, naka-blindfold pa si MARISSA habang nakipag-sex. Pwede lang daw tanggalin pag nasa labas na ng room. Malaki ang bayad kaya walang reklamo si MARISSA. “Saang hotel?” Sasabihin ni MARISSA na sa Panorama Hotel sa Ongpin.

Next day, magpapaalam si HELEN kay ANTHONY. First day niya sa work. Ni-ready na daw niya ang pagkain until lunch at niremind na sabay sila mag dinner. Darating na si HELEN sa stall. Lalapitan siya ni TAD. Kailangan na niyang pirmahan ang contract. Babasahin ni HELEN. Makikita niya ang pangalan sa contract. “Agreement between HELEN VERDE & DRAGON CORP.” Itatanong niya kay TAD bakit Dragon Corp. “Yan ang pangalan ng companya ni Mr. Pe”. Kakabahan si HELEN. That night, may dalang ulam si HELEN pero hindi muna siya uuwi. Dadaan siya sa Panorama Hotel. Pupunta sa security at magtatanong kung paano

niya makikita ang CCTV footage 3 months ago. nagdahilan siyang niloloko siya ng asawa niya at kailangan niya ng ebidensiya. Bawal daw sabi ng security. Mag-aabot siya ng 1k. Papayag ang security. Papanoorin ni HELEN. Makikita niyang pumasok at lumabas si MARISSA. Forward pa. Makikita niya si MR. PE, lumalabas ng hotel.

Darating si HELEN sa bahay. Pagpasok niya, makikita niyang sabay na nagdi-dinner si MARISSA at ANTHONY. Seryosong nag-uusap. Kakauwi lang ni MARISSA galing ng ospital. Magseselos si HELEN dahil hindi siya hinintay na mag dinner. Later. Tulog na si ANTHONY. Bubuksan ni HELEN ang chat app kung saan sila naguusap ni MR. DRAGON. Bubuksan niya ang archives folder. Iplay ang video nung gabing pinatay si MR DRAGON. Paulit ulit niya itong panonoorin. Mapapansin niya ang relo na may orange and white stripes sa strap.

Next day, lalabas sa corridor si HELEN para pumunta sa trabaho. Makikita niyang may kausap na food delivery boy si MARISSA. Nakikipagtalos si MARISSA na hindi daw niya order yan. Sasabihin ng delivery boy na baka regalo dahil hindi nakasulat kung kanino galing. Magsa-smile lang si HELEN kay MARISSA at aalis na. Masasalubong niya si TAD. Sinusundo siya. Sabay silang aalis. Nasa stall na si HELEN at lalapitan siya ni NELLY. Kakamustahin. Itatanong kung kelan babalik si ANTHONY. Baka isang buwan na lang daw na pahinga sabi ni HELEN. Naiiwan na nga daw niya ng mag-isa. Gabi na sa stall. Lalapitan siya ni TAD, offer na ihatid siya. Sasabihin ni HELEN na hindi siya kumportable na sinusundo siya at ihahatid siya. Malulungkot si TAD.

Darating si HELEN sa tenement. May ambulance sa labas. Tatakbo paakyat dahil akala niya si ANTHONY. Makikita niya na nilalabas na ang bangkay ni MARISSA. Sasabihin ng kapitbahay na nagpakamatay, uminom ng lason. Maiiyak din si HELEN. Habang dinner, sasabihin ni ANTHONY kay HELEN na ang lungkot pala ng buhay ni MARISSA. Salita ng salita si ANTHONY pero hindi nakikinig si HELEN. Nung tulog na si ANTHONY, pupuslit si HELEN sa unit ni MARISSA. Bukas ang pinto. Papasok siya. May makikita siyang brown envelope na kamukha nung nakuha niya. Pagbukas niya, mga hubad na photos ni MARISSA.

Gabi sa stall. Darating na ang relyebo ni HELEN. Aalis na siya. Maglalakad palayo si HELEN. Biglang uulan. Tatakbo siya papunta sa isang waiting shed na walang tao. May isang tao na tumatakbong papasok sa shed. Lilingunin ni HELEN ang tao. Magsa-smile si HELEN. Kilala niya. Hahampasin si HELEN. Blackout.

Magiging si HELEN. Nakahiga sa kama. Napapalibutan siya ng mga computer monitors. Naka-play dun ang iba't ibang videos niya na naghuhubad. Bubuksan niya ang pinto ng kwarto. Bukas ito. Makakarinig siya ng putok. Makikita niya si NELLY. Suot din nito ang relo na may orange and white stripes. Malalaman thru FLASHBACKS: 1) sex slave ang nanay ni NELLY kaya nagpakamatay ito. 2) Si NELLY ay biktima ng tatay niya. Pero tumigil ito nung muntik na siyang barilin ni NELLY. 3) Nito lang nadiscover ni NELLY ang safe house na ito ni MR. PE. 4) Si NELLY ang nagpadala ng hubad na photos kay HELEN at MARISSA. 5) Galing din kay NELLY ang food delivery na naglason kay MARISSA. "Kaya may baboy na katulad ng tatay ko, dahil may mga babaeng pumapayag na magpa-baboy!" Babarilin na dapat ni NELLY si HELEN. Makakatakas si NELLY. Habulan. Fight scene. Maagaw ni HELEN ang baril. Itututok kay NELLY. Ipuputok! CUT TO: Nilalabas ng mga pulis sa safe house si NELLY. Isasakay sa police car. Darating ang kotse ni TAD. Bababa si TAD kasama si ANTHONY. Magyayakap ang mag-asawa. Susubukan ni HELEN mag explain. Sasabihin ni ANTHONY na "Ginawa mo yun para sa akin. Wala kang kasalanan."

Sa tenement. Inilalabas ng lipat-bahay ang huling gamit nila HELEN. Mag-isa si HELEN sa bahay na wala nang laman. Bubuksan niya ang phone, idi-delete ang app na dati niyang ginamit sa cybersex. Darating si ANTHONY at sasabihin na aalis na sila. Lalabas ang mag-asawa at isasara ng pinto.